



BANKA POPULLORE E REPUBLIKËS SË MAQEDONISË

Në mbështetje të nenit 64, paragrafi 1, pika 22 të Ligjit të Bankës Popullore të Republikës së Maqedonisë ("Gazeta Zyrtare e RM" nr. 3/2002, 51/2003, 85/2003, 40/2004, 61/2005 dhe 129/2006) dhe nenit 172, paragrafët 1 dhe 8 të Ligjit të Bankave ("Gazeta Zyrtare e Republikës së Maqedonisë" nr. 67/2007), Këshilli i Bankës Popullore të Republikës së Maqedonisë mori:

VENDIM

për kushtet dhe mënyrën e punës së kursimoreve ("Gazeta Zyrtare e Republikës së Maqedonisë" nr. 79/07)

I. DISPOZITA TË PËRGJITHSHME

1. Me këtë vendim përcaktohen kushtet dhe mënyra e punës së kursimoreve në Republikën e Maqedonisë, nga aspekti i:

- zbatimit të standardeve mbikëqyrëse në lidhje me kufijtë e ekspozimit;
- kryerjes së veprimtarive bankare - dhënies së kredive dhe të mbledhjes së depozitave dhe
- investimeve.

II. II. MIRATIM I KREDIVE DHE EKSPOZIMI I KURSIMOREVE

2. Ekspozimi ndaj personit dhe personave të lidhur me të nuk duhet të kalojë 10% të mjeteve të veta të kursimores.

Ekspozimi ndaj aksionarit, përkatësisht ortakut me pjesëmarrje të kualifikuar në kursimore dhe personave të lidhur me të, nuk duhet të kalojë 5% të mjeteve të veta të kursimores.

Ekspozimi ndaj personit me të drejta dhe përgjegjësi të veçanta dhe personave të lidhur me të nuk duhet të kalojë 3% të mjeteve të veta të kursimores.

Ekspozimi total ndaj personave të paragrafëve 2 dhe 3 të kësaj pike nuk duhet të kalojë 65% të mjeteve të veta të kursimores.

Ekspozimi total ndaj bankave dhe kursimoreve nuk duhet të kalojë 30% të mjeteve të veta të kursimores.

3. Ekspozimi ndaj personave të pikës 2, paragrafët 2 dhe 3 të këtij vendimi miratohet në bazë të vendimit të organit mbikëqyrës ose të kuvendit, përkatësisht të Kuvendit të ortakëve të kursimores..

Kushtet sipas të cilave miratohen kreditë, mblidhen depozitat dhe bëhen transaksionet e tjera financiare me personat e pikës 2, paragrafët 2 dhe 3 të këtij

vendimi, në nivel të barabartë rreziku të përcaktuar në përputhje me standardet mbikëqyrëse, nuk duhet të jenë më të favorshme sesa kushtet që vlejné për klientët e tjerë të kursimores.

4. Kursimorja është e detyruar të ketë politikë të shkruar për menaxhimin e rrezikut të kredisë dhe procedurat për mënyrën e miratimit të kredisë, e cila duhet të përmbajë të paktën dispozita për:

- analizën e aftësisë kredituese të klientit;
- mënyrën e llogaritjes së interesit;
- evidentimin e kredive dhe interesit;
- ndjekjen e kredive;
- përcaktimin e kompetencave të personave që kryejné këtë veprimtari, duke respektuar parimin e ndarjes së detyrave;
- ndjekjen e personave të lidhur;
- përshkrimin e karakteristikave kryesore të çdo produkti;
- përcaktimin e nivelit të pranueshëm të përqendrimit të ekspozimit (për klient individual, kategori klientësh, aktivitet, lloj kolaterali, etj.);
- llojet e kolateralit që konsiderohen të pranueshme për të mbuluar rrezikun e kredisë.

III. INVESTIME NË KURSIMORE

5. Kursimorja nuk mund të fitojë tokë, ndërtesa dhe pajisje që nuk i përdor për kryerjen e veprimtarisë së saj, si dhe aksione kapitali në subjekte të tjera, me përjashtim të atyre të fituara në bazë të kërkesave të papaguara.

Prona e kursimores në tokë, ndërtesa dhe pajisje nuk duhet të kalojnë 30% të mjeteve të veta të kursimores.

Brenda kufirit të paragrafit 2 të kësaj pike nuk përfshihen prona në tokë, ndërtesa dhe pajisje të fituara në bazë të kërkesave të papaguara, e të cilat kursimorja nuk i përdor për kryerjen e funksioneve të saj, si dhe pjesët e kapitalit të fituara në bazë të kërkesave të papaguara.

Kursimorja është e detyruar të shesë pronën dhe pjesët e kapitalit të fituara në bazë të kërkesave të papaguara brenda tre viteve nga fitimi e tyre. Në të kundërt, të njëjtat përfshihen në kufizimin sipas paragrafit 2 të kësaj pike.

6. Kursimorja është e detyruar të shesë pronën dhe pjesët e kapitalit të fituara në bazë të kërkesave të papaguara brenda tre viteve nga fitimi e tyre. Në të kundërt, të njëjtat përfshihen në kufizimin sipas paragrafit 2 të kësaj pike.

IV. MBLEDHJE E DEPOZITAVE

7. Kursimorja është e detyruar të vendosë në pikat e saj të pagesave dhe shlyerjeve kumtesën që nuk pranon depozita në valutë.

Kursimorja është e detyruar të shfaqë listën e depozitave të mbledhura sipas numrit të palës, shumës së depozitës, datës së investimit, afatit të investimit dhe normës së interesit në të gjitha pikat e saj të pagesës dhe shlyerjes.

Kursimorja duhet të paraqesë listën e pikës 2 të kësaj pike deri më datën 5 të muajit, për gjendjen në fund të muajit paraardhës.

Teksti i mëposhtëm duhet të shfaqet në kokën e kësaj liste:

"Kjo është lista e vetme e depozitave në këtë kursimore, që i është paraqitur Fondit të Sigurimit të Depozitave dhe Bankës Popullore të Republikës së Maqedonisë."

Kursimorja është e detyruar që në të gjitha pikat e saj të pagesave dhe shlyerjeve të vendosë njoftimin që nuk pranon depozita në valuta.

Shënimi i përmbajtjes së pavërtetë në listën e paragrafit 1 të kësaj pike ose mosshënimi i të dhënave për palën depozituese përbën vepër penale – falsifikim i dokumentit zyrtar.

8. Kursimorja është e detyruar të ketë politikë dhe procedura të shkruara që rregullojnë të paktën mënyrën e mbledhjes, evidentimit dhe pagesës së depozitave, llogaritjen e interesit dhe ndarjen e detyrimeve.

V. DISPOZITA KALIMTARE DHE PËRFUNDIMTARE

9. Kursimoret janë të detyruara të zbatojnë dispozitat e këtij vendimi brenda dymbëdhjetë muajve nga hyrja në fuqi të tij..

10. Ky vendim hyn në fuqi tetë ditë pas botimit në Gazetën Zyrtare të Republikës së Maqedonisë.

11. 11.Me hyrjen në fuqi të këtij vendimi, pushon së vlefshmi Vendimi për përcaktimin e vëllimit dhe të mënyrës së funksionimit të kursimoreve ("Gazeta Zyrtare e Republikës së Maqedonisë" nr. 111/2000, 80/2002 dhe 66/2003).

V nr. 02-15/VI-2 /2007
20.6.2007
Shkup

Mr. Petar Goshev
guvernator
dhe kryetar
i Këshillit të Bankës Popullore të
Republikës së Maqedonisë